



Broj: 05-JN1-16-4-TB-72-25/23

Sarajevo, 26.10.2023. godine

Na osnovu člana 64. stav (1) tačka b) i člana 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije d o n o s i:

ODLUKU

o izboru najpovoljnijeg ponuđača

Član 1.

(1) Na osnovu provedenog postupka nabavke putem konkurentskog zahtjeva za nabavku računara 20 (dvadeset) komada kao najpovoljniji ponuđač izabran je ponuđač Rebus d.o.o. Sarajevo po ukupnoj cijeni ponude od 27.961,00 KM bez PDV - a, sa kojim će se zaključiti Ugovor za predmetnu nabavku.

(2) Ponuđač Rebus d.o.o. Sarajevo u svojoj ponudi ponudio je 20 (dvadeset) računara modela Lenovo ThinkCentre neo 30a 24 Gen 4 koji svojim tehničkim karakteristikama u potpunosti odgovoraju tehničkoj specifikaciji iz Obrasca za cijenu ponude.

Član 2.

Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.

Član 3.

Odluka stupa na snagu danom donošenja.

O b r a z l o ž e n j e

Odlukom broj: 05-JN1-16-4-TB-72/23 od dana 05.06.2023 godine pokrenut je konkurentski zahtjev za nabavku računara 20 (dvadeset) komada, za potrebe Direkcije za evropske integracije.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), Ugovorni organ objavio je obavještenje o pokretanju konkurentskog zahtjeva za nabavku računara 20 (dvadeset) komada.

Do krajnjeg roka za dostavu ponuda, na Protokol Direkcije za evropske integracije, Komisija konstatuje je prispjelo ukupno 12 koverti, uredno zapečaćenih i neotvorenih niže navedenih ponuđača:

Broj protokola	Naziv ponuđača	Datum prijema
05-JN1-16-4-TB-72-9/23	Elur d.o.o. Kiseljak	28.09.2023. godine
05-JN1-16-4-TB-72-10/23	BISCOMMERCE d.o.o. Banja Luka	02.10.2023. godine
05-JN1-16-4-TB-72-11/23	NETWORK I d.o.o. Bijeljina	03.10.2023. godine
05-JN1-16-4-TB-72-12/23	INTER-COM d.o.o. Zenica	05.10.2023. godine
05-JN1-16-4-TB-72-13/23	Time Code d.o.o. Sarajevo	05.10.2023. godine
05-JN1-16-4-TB-72-14/23	Printex d.o.o. Sarajevo	06.10.2023. godine
05-JN1-16-4-TB-72-15/23	STZR Smart Computer Prijedor	06.10.2023. godine
05-JN1-16-4-TB-72-16/23	SoftKom S d.o.o. Prijedor	06.10.2023. godine
05-JN1-16-4-TB-72-17/23	PR Media market Prijedor	06.10.2023. godine
05-JN1-16-4-TB-72-18/23	ASPO RAIL d.o.o. Sarajevo	06.10.2023. godine
05-JN1-16-4-TB-72-19/23	King d.o.o. Doboj	06.10.2023. godine
05-JN1-16-4-TB-72-20/23	Rebus d.o.o. Sarajevo	06.10.2023. godine

Komisija je 10.10.2023. godine u 14.30 sati u punom sastavu pristupila javnom otvaranju ponuda, na kojem nije prisustvovao nijedan od ovlaštenih predstavnika ponuđača.

Komisija je potom pristupila pregledu opće dokumentacije, odnosno ocjeni kvalifikacije ponuđača, a imajući u vidu zahtijevane uslove za učešće, odnosno dokaze o ispitivanju istih.

Nakon pregleda, Komisija konstatuje da su ponude niže navedenih ponuđača nepravilne:

1. NETWORK I d.o.o. Bijeljina

Ponuđač NETWORK I d.o.o. Bijeljina u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija detaljnim uvidom u dostavljeni predračun konstatuje da je ponuđač ponudio 16GB (1x16GB) DDR4 3200 SODIMM, a u tehničkoj specifikaciji je pored navedenog traženo i minimum dva memorijska slot: „*Ugrađeno 16 GB DDR4-3200 memorije ili više, minimum dva memorijska slot*“(ponuđač u svojoj ponudi nije ponudio *minimum dva memorijska slot*).

2. INTER-COM d.o.o. Zenica

Ponudač INTER-COM d.o.o. Zenica u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare nisu dostavljene sljedeće tehničke karakteristike koje su tražene tenderskom dokumentacijom:

- Ekran sa funkcijom pomjeranja po visini.
- Minimum dva memorijska slot.
- Ekološki certifikati EPEAT® Silver, TÜV Low Blue-Light Certification, TÜV Low Noise Certification.
- Ponudač je ponudio garanciju proizvođača za računare 1/1/1, a tehničkom specifikacijom je traženo minimalno 3 godine garancije proizvođača. Također, Komisija je konstatovala nakon uvida na zvaničnoj stranici proizvođača da ponuđena opcija 1/1/1 AiO Warranty NT Warranty predstavlja garanciju za jednu godinu: 1/1/1 Service or warranty covers 1-year parts, 1-year labor and 1-year onsite, što nije u skladu sa zahtjevima iz tehničke specifikacije odnosno iz tenderske dokumentacije.

3. Time Code d.o.o. Sarajevo

Ponudač Time Code d.o.o. Sarajevo u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare nisu dostavljene sljedeće tehničke karakteristike koje su tražene tenderskom dokumentacijom:

- Ekran sa funkcijom pomjeranja po visini.
- Ekološki certifikati EPEAT® Silver, TÜV Low Blue-Light Certification, TÜV Low Noise Certification.

4. STZR Smart Computer Prijedor

Ponudač STZR Smart Computer Prijedor u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare nisu dostavljene sljedeće tehničke karakteristike koje su tražene tenderskom dokumentacijom:

- Minimum dva memorijska slot.
- Garancija: minimalno 3 godine garancije proizvođača, omogućena provjera garancije na zvaničnoj stranici proizvođača po serijskom broju proizvoda, postojanje ovlaštenog servisa na području Bosne i Hercegovine.

5. SoftKom S d.o.o. Prijedor

Ponudač SoftKom S d.o.o. Prijedor u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare nije dostavljena sljedeća tehnička karakteristika koja je tražena tenderskom dokumentacijom:

- Minimum dva memorijska slot.

6. PR Media Market Prijedor

Ponudač **PR Media Market Prijedor** u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare nije dostavljena sljedeća tehnička karakteristika koja je tražena tenderskom dokumentacijom:

- Minimum dva memorijska slot.

7. Kong d.o.o. Doboj

Ponudač **Kong d.o.o. Doboj** u svojoj ponudi dostavio je uz Obrazac za cijenu ponude Aneks 1 originalni predračun na memorandumu svoje firme sa tehničkom specifikacijom modela računara koje nudi.

Međutim, Komisija konstatuje da uvidom u dostavljeni predračun za ponuđene računare ponudač je ponudio tastaturu HP 125 BLK WD KBD, a tehničkom specifikacijom za predmetnu nabavku je traženo USB tastatura, BiH latinični standard, od istog proizvođača kao računar, što ponudač nije ponudio.

Na osnovu Pravilnika o uslovima i načinu korištenja e-aukcije, („Službeni glasnik BiH“, broj 66/17), u predmetnom postupku zakazana je i provedena e-aukcija dana 10.10.2023. godine sa početkom u 12.00 sati na Portalu javnih nabavki.

Konačna rang lista ponuđača koji su učestvovali u e aukciji:

Redni broj	Naziv ponuđača	Konačna cijena u KM bez PDV-a	Rang
1	Rebus d.o.o. Sarajevo	27.961,00	1
2	BISCOMMERCE d.o.o. Banja Luka	28.000,00	2
3	Printex d.o.o. Sarajevo	28.400,00	3
4	Elur d.o.o. Kiseljak	29.460, 00	4
5	ASPO RAIL d.o.o. Sarajevo	38.500,00	5

Na osnovu Izvještaja o toku i završetku e-aukcije, a u skladu sa kriterijem „najniža cijena“, Komisija je dala preporuku direktorici Direkcije za evropske integracije da donese Odluku o izboru najpovoljnijeg ponuđača i dodjeli Ugovor za računara 20 (dvadeset) komada ponuđaču Rebus d.o.o. Sarajevo po ukupnoj cijeni ponude u iznosu od 27.961,00 KM bez PDV-

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, nakon što ponuđač Rebus d.o.o. Sarajevo u ostavljenom roku dostavi dokaze o kvalificiranosti prema članu 45. Zakona početi će sa procedurom zaključenja Ugovora.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove odluke.

Dostaviti:

1. Učesnicima u javnoj nabavci
2. a/a

